

Pillugu: Ilassinninnermi aningaasartuutit.

1. Akileraarusiinnermi nakkutilliinissaq pissutigalugu akileraartussaataassut (namminersorlutik inuussutissarsiummik ingerlataqartut, piginneqatigiiffiit, akissarsiaqartut il. il.). ilassinninnermi aningaasartuutitut ilanngaasiinissamik kissaateqartut, naatsorsuutit immikkut ittunik ingerlatsissapput (konto immikkut ittoq taamaangajattorluunniit) aningaasartuutit taakku pillugit, taassumanga paasineqarsinnaassalluni, imm. 2-mi bilagimi uppersaammut sanilliullugu, suna pissutigalugu (soorlu assersuutigalugu niuernerq pillugu ataatsimiinneq) aningaasartuutitut allattukkat ataasiakkaat akilerneqarsimanersut, qanoq annertutigisumik aningaasartuutit akilerneqarsimanersut peqataatillugit piginnittoq nammineq, aktienik piginnittoq pingarneq, siulersuisunut ilaasortat, aammalu qanoq annertutigisumik aningaasartuutit akilerneqarsimanersut atorfilinnit imaluunniit suleqataasunit allanit, aamma inuit taakku regningi naapertorlugu aningaasartuutit akilersimaneeraat imaluunniit ilassinninnermi taartisianik tigusaqarsimanersut (aningaasarsiat A-t pillugit kontomi inissinneqassapput). Kingullermi taaneqartumi oqaatigineqassaaq, ilassinninnermi tapisiat taamaangajattullu akissarsiaqartumut tunniunneqarsimagaangata aningaasat ilangullugit naatsorsuunneqassapput akissarsiaqartup akissarsiaasut isertitatut (aningaasarsiat A-t), taavalu, takukkit siuliiniittut, naatsorsuutit il. il. ingerlanneqartariaqarlutik ilassinninnermi aningaasartuutitut ilanngaataasussatut kissaatigineqartunut.

2. Kiisalu ilassinninnermi aningaasartuutit ilanngaatigineqarnissaanik periarfissamut atugasarisat imaassapput, bilagit saqqummiunneqarnerini uppersarneqarsinnaassallutik, bilaginit takuneqarsinnaassalluni kikkut akiliisimanersut, ulloq suna akiliisoqarsimaneersoq, akiliutit sumut tunnganersut, aamma kikkut tiguisuunersut, kiisalu bilagi uppersaataasumik atsiorneqarsimassaaq, ilassinninnermi bilagimit taamaangajattumillu paasinassaaq katersoqatigiinnermi kikkut ilaasimanersut tamatumunngalu suna pissutaanersoq.

3. Imm. 1 aamma 2 siuliiniittut eqqortinneqarsimagaluarpataluunniit akileraarusiisartut pisinnaatitaassapput isummerfigissallugu, aningaasartuutaasimasut imaluunniit taakku ilaat ingerlatsinnermi aningaasartuutitut ilanngaataasinnaasutut isumaqarfigineqarsinnaanersut.